

Na osnovu člana 3. stav (1) tačka e) Poslovnika o radu Koordinacionog odbora centralnih jedinica za harmonizaciju, Koordinacioni odbor centralnih jedinica za harmonizaciju na 9. sjednici, održanoj 26.12.2016. godine u Banjaluci, odobrio je

OKVIRNI PROGRAM

OBUKE I CERTIFIKACIJE INTERNIH REVIZORA ZA JAVNI SEKTOR U BOSNI I HERCEGOVINI

Član 1. (Predmet)

Okvirnim programom obuke i certifikacije internih revizora za javni sektor u Bosni i Hercegovini (u daljem tekstu: Okvirni program) utvrđuje se okvir za organizaciju i provođenje obuke i certifikacije internih revizora za institucije koje se finansiraju iz javnih sredstava ili javna preduzeća koja u strukturi imaju najmanje 50% plus jednu akciju (dionicu) državnog kapitala (dalje u tekstu: organizacije u BiH), koju pojedinačno sprovode, svaka u okviru svojih nadležnosti, Centralna harmonizacijska jedinica MFT BiH, Centralna harmonizacijska jedinica Federalnog ministarstva finansija i Centralna jedinica za harmonizaciju Ministarstva finansija Republike Srpske (u daljem tekstu: Centralna harmonizacijska jedinica ili CHJ).

Član 2. (Svrha)

Svrha Okvirnog programa jeste da Koordinacioni odbor centralnih harmonizacijskih jedinica (u daljem tekstu: KO CJH) zajednički uspostavi okvirni program obuke i certifikacije internih revizora, koji će dalje, svaka za svoje potrebe, razrađivati Centralne harmonizacijske jedinice, kako bi isti poslužio kao temelj za međusobno priznavanje certifikata internih revizora.

Član 3. (Provođenje obuke i certifikacije)

Obuku i certifikaciju internih revizora sprovodiće Centralne harmonizacijske jedinice, svaka u okviru svojih nadležnosti, u skladu sa zakonskim i podzakonskim propisima iz oblasti interne revizije, koji se odnose na organizacije iz nadležnosti određene Centralne harmonizacijske jedinice i ovim Okvirnim programom.

Član 4. (Moduli obuke)

- (1) Program teorijskog dijela obuke sadržavat će obavezno četiri modula obuke:
 - a) Regulatorni okvir za internu reviziju, koji obuhvata zakonske i podzakonske akte iz oblasti interne revizije, Standarde interne revizije, Kodeks interne revizije i Povelju interne revizije;
 - b) Osnove finansijskog upravljanja i kontrole/osnove javne interne kontrole, koji obuhvata osnove FUK, komponente interne kontrole, COSO elemente, pregled ključnih oblasti FUK;
 - c) Metodologija rada interne revizije u javnom sektoru/vršenje interne revizije u javnom sektoru;
 - d) Upravljanje internom revizijom u javnom sektoru.
- (2) Pored modula iz stava (1) ovog člana, Centralne harmonizacijske jedinice mogu, u skladu sa propisima kojima je uređena oblast certifikacije internih revizora, za organizacije iz svoje nadležnosti, uvesti i dodatne module u cilju poboljšanja kvaliteta obuke.
- (3) Teoretski dio obuke sprovode Centralne harmonizacijske jedinice, u skladu sa propisima iz svoje nadležnosti kojima se definiše struktura modula, trajanje i izvođenje obuke, a u skladu sa svojim kapacitetima i mogućnostima.

Član 5. (Polaganje ispita)

- (1) Ispit za internog revizora u javnom sektoru polaže se pismeno i sastoji se od testa koji ima najmanje 60 pitanja iz modula obuke navedenih u članu 4. Okvirnog programa.
- (2) Realizacija ispita iz stava (1) ovog člana i testiranje kandidata u nadležnosti je komisije koju, u skladu sa važećim propisima, imenuje CHJ ili ministarstvo finansija na prijedlog CHJ ili KO CHJ.

Član 6. (Praktična obuka)

Nakon položenog pismenog dijela ispita, kandidat za sticanje sertifikata pristupa vršenju praktične obuke, ukoliko je ta obaveza utvrđena propisima u oblasti obuke i certifikacije iz nadležnosti Centralne harmonizacijske jedinice.

Član 7. (Praćenje i nadzor obuke i certifikacije)

Centralne harmonizacijske jedinice vrše uvid u proces obuke i certifikacije u cilju osiguranja kvaliteta procesa obuke i certifikacije internih revizora u javnom sektoru.

Član 8.
(Sticanje zvanja i izdavanje certifikata)

- (1) Kandidatima koji su položili ispit biće izdat od strane nadležne Centralne harmonizacijske jedinice certifikat o stečenom zvanju internog revizora, odnosno ovlaštenog internog revizora, kako je to utvrđeno propisima iz nadležnosti pojedinačno svake od Centralnih harmonizacijskih jedinica i ovim Okvirnim programom.
- (2) Centralna harmonizacijska jedinica vodi registar certifikata koje je izdala, u skladu sa važećim propisima.

Član 9.
(Evidencija i čuvanje dokumentacije)

Centralne harmonizacijske jedinice će sve prijave za polaganje, podatke o kandidatima, zapisnike komisija i svu drugu relevantnu dokumentaciju evidentirati i čuvati u skladu sa važećim pravilima o kancelarijskom poslovanju i rokovima čuvanja dokumentacije.

Član 10.
(Međusobno priznavanje certifikata)

Centralne harmonizacijske jedinice će u svojim podzakonskim aktima iz oblasti interne revizije definisati međusobno priznavanje certifikata, koristeći ovaj Okvirni program koji odobrava KO CJH kao osnov za međusobno priznavanje.

Član 11.
(Primjena)

Okvirni program primjenjuje se od dana odobravanja na Koordinacionom odboru CHJ.

Broj: KO-12/16

26.12.2016. godine

PREDSJEDAJUĆA KO CJH

Fatima Obhodaš

